

Bosna i Hercegovina
Federacija Bosne i Hercegovine
HERCEGOVAČKO - NERETVANSKA
ŽUPANIJA - KANTON
MINISTARSTVO PROSVJETE, ZNANOSTI
KULTURE I ŠPORTA



Bosna i Hercegovina
Federacija Bosne i Hercegovine
HERCEGOVAČKO - NERETVANSKI
KANTON
MINISTARSTVO OBRAZOVANJA, NAUKE
KULTURE I SPORTA

Mostar, S. Radića 3/III, tel.: +387 (0)36 312-186; 312-187; 326-378; fax: +387 (0)36 316-792; e-mail: monkshnk@tel.net.ba

Broj: UP-I-05-06-40-6/12
Mostar, 11.01.2012. godine


Bring.out
Ernad Husremović
Juraja Najtharta broj 3
71000 Sarajevo

PREDMET: Dostava akta

U prilogu Vam dostavljamo Zaključak inspektora za visoko obrazovanje
UP-I-05-06-40-6/12 od 9.01.2012. godine.

S poštovanjem!

MINISTAR


Zlatko Hadžimerović





Broj: UP-I- 05-06-40-6/12
Mostar, 09.01.2012. godine

Temeljem članka 31. Zakona o prosvjetnoj inspekciji („Narodne novine HNŽ/K“ broj 4/04), članka 127. i 131. Zakona o organizaciji uprave u HNŽ/K („Narodne novine HNŽ/K“ broj 9/09) i članka 218. Zakona o upravnom postupku („Službene novine FBiH“ br. 2/98 i 48/99) u predmetu utvrđivanja opravdanosti prigovora studenta Ernada Husremovića na ispitna pitanja na Fakultetu informacijskih tehnologija Univerziteta „Džemal Bijedić“ u Mostaru, inspektor za visoko školstvo Ministarstva prosvjete, znanosti, kulture i športa HNŽ/K, nakon izvršenog inspeksijskog nadzora **donosi:**

ZAKLJUČAK

o obustavi postupka

Obustavlja se vođenje daljeg postupka o utvrđivanju opravdanosti prigovora studenta Ernada Husremovića na konstrukciju postavljenih ispitnih pitanja, uklanjanju pitanja prilikom provjere znanja studenata i formulaciju pitanja na predmetima Menadžment informacijskih tehnologija i Projektiranje informacijskih tehnologija na Fakultetu informacijskih tehnologija, kao i primjedba na kvalitetu obrazovanja

O b r a z l o ž e n j e

Inspektor Ministarstva prosvjete, znanosti, kulture i športa HNŽ/K je na Fakultetu informacijskih tehnologija Univerziteta „Džemal Bijedić“ u Mostaru poveo inspeksijski postupak radi utvrđivanja navoda iz predstavke studenta Ernada Husremovića u kojoj on iznosi primjedbe, zahtjeve i prijedloge upravi Fakulteta informacijskih tehnologija koje se odnose na ispitna pitanja, te nudi svoje prijedloge o uklanjanju ili preformulaciju ispitnih pitanja, kao i to da se nakon usvajanja njegovih prijedloga izvrši ponovna evaluacija njegovog rada.

Odlukom broj:101-1-420/08 od 28.3.2008. godine Nastavno - naučnog vijeća Univerziteta „Džemal Bijedić“ u Mostaru dalo je suglasnost na nastavni plan dodiplomskog studija - Bachelor i program II ciklusa studija Softver inženjering na Fakultetu informacijskih tehnologija Univerziteta „Džemal Bijedić“ u Mostaru. Isti nastavni plan se primjenjuje na Fakultetu informacijskih tehnologija od nastavne 2008/2009. godine. Tri generacije studenata su uspješno usvojile i savladale navedeni nastavni plan i program. Na predmetu Menadžment informacijskih tehnologija od 2008/2009. godine nastavu i ispite izvodi isti nastavnik, a na Projektiranju informacijskih sistema je ove školske godine došlo do promjene nastavnika koji je nastavio da primjenjuje usvojeni nastavni plan.

Nastavnik ima pravo da provede provjeru znanja na način koji smatra najprimjerenijim za pokazivanje rezultata usvojenosti nastavne materije. Sukladno Pravilima Fakulteta informacijskih tehnologija i Okvirnom zakonu o visokom obrazovanju u BiH nastavnici i

suradnici uživaju slobodu da ispituju i testiraju, da nude nove ideje i kontroverzna ili nepopularna mišljenja, a da se time ne izlažu opasnosti od gubitka zaposlenja ili bilo koje druge privilegije koju, eventualno uživaju.

Studenti imaju pravo da iznesu svoja viđenja u pogledu kvaliteta nastave ili drugih oblika rada, ali nemaju zakonskog osnova da zbog nezadovoljstva ocjenom pokušavaju tražiti uklanjanje pitanja, formulaciju pitanja, način konstrukcije pitanja, itd. Osoba koja upisom stekne status studenta fakulteta dužna je da poštuje Pravila fakulteta i druge zakonske akte koji su na snazi u vrijeme studiranja. U skladu sa člankom 35. Pravila fakulteta ukoliko student ima primjedbu na ocjenu ima pravo uložiti prigovor na ocjenu u roku od 24 sata od saopćenja ocjene pismeno, te uz pismeno obrazloženje tražiti da se ispit ponovi pred komisijom. Dekan imenuje predsjednika i dva člana komisije u roku od 24 sata od primitka zahtjeva, ukoliko ocijeni da je zahtjev opravdan. Ukoliko je u pitanju pismeni ispit ili pismeni dio ispita, on se neće se ponavljati pred komisijom, već će ga komisija ponovno ocijeniti. Komisija će ocijeniti i sve radove koje je student radio u toku nastave i vježbi.

Prema navedenom, student Ernad Husremović, ukoliko je smatrao da nije objektivno ocijenjen, mogao je iskoristiti svoje pravo da, u skladu sa Pravilima fakulteta, uložiti prigovor na ocjenu kojom nije zadovoljan.

Studenti, sukladno Pravilima fakulteta, imaju pravo i obvezu da u cilju dobivanja dopunskih znanja i uputa za rad posjećuju u radnim kabinetima nastavnike i suradnike koji su i na taj način obvezni da doprinose ostvarivanju prava na što kvalitetnije obrazovanje studenata.


Zbog svega navedenog donesen je Zaključak kao u izrijeku.

Pouka o pravnom lijeku:

Protiv ovog Zaključka može se izjaviti žalba ministru Ministarstva prosvjete, znanosti, kulture i športa HNŽ/K u roku od 8 dana od prijema istog.

Žalba se predaje neposredno ili šalje putem pošte, preporučeno na adresu Ministarstva: Stjepana Radića br.3, 88000 Mostar.

Žalba je oslobođena plaćanja upravne pristojbe po članku 8. Zakona o upravnim pristojbama HNŽ/K („Narodne novine HNŽ/K“ br. 8/00 i 4/04).



Inspektor za visoko školstvo

Jovanović Marina
Jovanović Marina

Dostaviti:

- ① Ernad Husremović, Bring.out d.o.o., Juraja Najtharta br.3, 71000 Sarajevo
- Fakultet informacijskih tehnologija Univerziteta „Džemal Bijedić“ Mostar
- Prosvjetna inspekcija 2x
- a/a